

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 21. sjednici, održanoj dana 26.05.2023. godine, d o n o s i

ZAKLJUČAK

I.

Daje se ovlaštenje ministrici Ministarstva za obrazovanje, nauku, kulturu i sport Zeničko-dobojskog kantona za potpisivanje Sporazuma o saradnji sa Udruženjem građana „NEŠTO VIŠE“ i Udruženjem „PRONI“ Centar za omladinski razvoj, u cilju izrade Strategije predškolskog, osnovnog i srednjeg odgoja i obrazovanja za period 2024 - 2027. godine, a koji čini sastavni dio ovog zaključka.

II.

Za realizaciju ovog zaključka zadužuje se Ministarstvo za obrazovanje, nauku, kulturu i sport, Ministarstvo finansija, Udruženje građana „NEŠTO VIŠE“ i Udruženje „PRONI“ Centar za omladinski razvoj, svako u okvirima svoje nadležnosti.

III.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 26.05.2023. godine

Z e n i c a

DOSTAVLJENO:

1x Ministarstvu za obrazovanje, nauku, kulturu i sport,

1x Ministarstvo finansija,

1x Udruženje građana „NEŠTO VIŠE“, putem Ministarstva,

1x Udruženje „PRONI“ Centar za omladinski razvoj,
putem Ministarstva,

1x a/a.

SPORAZUM O SARADNJI

Između:

1. MINISTARSTVA ZA OBRAZOVANJE, NAUKU, KULTURU I SPORTA ZENIČKO-DOBOJSKOG KANTONA

i

2. UDRUŽENJA GRAĐANA "NEŠTO VIŠE"

i

3. UDRUŽENJA „PRONI” CENTAR ZA OMLADINSKI RAZVOJ

U okviru projekta
Program zadržavanja mladih u BiH – Opšta mobilizacija

Član 1.

(Predmet Sporazuma)

- (1) Sporazum o saradnji (u daljem tekstu: Sporazum) je dokument kojim se utvrđuju zajedničke aktivnosti na unapređenju položaja mladih sa područja Zeničko-dobojskog kantona, potpisan između Ministarstva za obrazovanje, nauku, kulturu i sport Zeničko-dobojskog kantona, Udruženja građana "NEŠTO VIŠE" i Udruženja „PRONI” Centar za omladinski razvoj (u daljem tekstu: Sporazumne strane).
- (2) Izrazi koji se u ovom Sporazumu koriste u muškom rodu obuhvataju iste izraze u ženskom rodu.
- (3) Potpisivanjem Sporazuma, Sporazumne strane iskazuju spremnost na međusobnu saradnju u oblastima unapređenja položaja mladih u Zeničko-dobojskog kantona, sa akcentom na oblasti obrazovanja i zapošljavanja mladih
- (4) Sporazumne strane saglasne su o ostvarivanju saradnje u izvršavanju poslova i zadataka propisanih pozitivno-pravnim propisima i provođenju ciljeva u okviru svojih propisanih djelokruga i nadležnosti.

Član 2.

(Zajednička vizija)

- (1) Sporazumne strane temelje Sporazum na zajedničkoj viziji unaprijeđenja položaja mladih i poboljšanja pružanja usluga usmjerenih ka mladima u Zeničko-dobojskom kantonu, sa akcentom na obrazovanje i zapošljavanje mladih u cilju njihovog zadržavanja u Bosni i Hercegovini.

Član 3.

(Ciljevi saradnje)

- (1) Sporazumne strane definišu sledeće zajedničke ciljeve saradnje:
 - a) Izrada Strategije predškolskog, osnovnog, srednjeg i obrazovanja odraslih uz učešće predstavnika sporazumnih strana, u skladu sa Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17) i podzakonskom propisima iz ove oblasti;
 - b) Uključivanje mladih u javne rasprave nacрта Strategije;
 - c) Promociji strategije među mladima Zeničko-dobojskog kantona;
 - d) Druge zajednički definisane ciljeve sporazumnih strana.

Član 4.

(Posebne obaveze Ministarstva za obrazovanje, nauku, kulturu i sporta Zeničko-dobojskog kantona)

- (1) Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo) obavezuje se da će:
- a) Formirati radnu grupu za izradu Strategije predškolskog, osnovnog, srednjeg i obrazovanja odraslih iz Člana 3. ovog Sporazuma;
 - b) Pružiti potpunu logističku podršku za izradu Strategije i uključiti sve neophodne aktere za izradu Strategije;
 - c) Uključiti jednog predstavnika Udruženja građana "NEŠTO VIŠE" u radnu grupu za izradu Strategije.

Član 5.

(Posebne obaveze Udruženja građana "NEŠTO VIŠE" i Udruženja „PRONI“ Centar za omladinski razvoj)

- (1) Udruženje građana "NEŠTO VIŠE" i Udruženje „PRONI“ Centar za omladinski razvoj obavezuju se da će:
- a) Osigurati eksperta za izradu Strategije;
 - b) Osigurati metodologiju za izradu Strategije;
 - c) Organizovati javne rasprave nacрта Strategije na području ZE-DO kantona;
 - d) Organizovati promociju Strategije na ZE-DO kantonu.

Član 6.

(Obavješćavanje javnosti)

Sporazumne strane se obavezuju da će o zajedničkim poslovima usaglašeno nastupati u javnosti.

Član 7.

(Evaluacija)

S ciljem unaprijeđenja zajedničkog rada i koordinacije aktivnosti Sporazumne strane će vršiti procjenu provedenih aktivnosti i primjene Sporazuma najmanje jednom u tri mjeseca, te će zajednički odlučivati o daljem toku aktivnosti i prema potrebi predlagati eventualne izmjene.

Član 8.

(Prijelazne i završne odredbe)

- (1) Ovaj Sporazum se potpisuje na period od 7 mjeseci.
- (2) U skladu sa potrebama, Sporazumne strane mogu inicirati izmjene ili dopune ovog Sporazuma, u pismenom obliku.
- (3) Ovaj Sporazum potpisan je u četiri (6) primjeraka, od kojih svaka Sporazumna strana zadržava po dva primjerka.
- (4) Ovaj Sporazum stupa na snagu danom potpisivanja od strane Sporazumnih strana.

U Zenici xx.05.2023. godine.

Za Ministarstvo za obrazovanje, nauku, kulturu i sport
Zeničko-dobojskog kantona

Draženka Subašić, Ministrica

Za Udruženje građana "NEŠTO VIŠE"

Za Udruženje „PRONI“ Centar za
omladinski razvoj

Aleksandar Bundalo, Izvršni direktor

Jasmin Jašarević, direktor